



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

v La vie de sainte Marie Majeur.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

5.
Aov.LA VIE DE SAINCTE MARIE
Majeur.

A sainte Eglise celebre la feste de nostre Dame des Neiges le 5. d'aoust, pour la raison que ie diray. Du temps du pape Libere, il y auoit à Rome vn riche Seigneur nommé Iean Patrice, lequel estoit marié avec vne grande Dame, dont il ne pouuoit auoir d'enfans, encore que ce fust tout le desir d'eux deux: neantmoins n'estans pas moins pieux que riches & illustres, ils se conformoient en la volonté de Dieu, croyans que puis qu'il ne leur donnoit point de lignée, sa prouidence paternelle le faisoit pour le mieux. Ils estoient fort deuots à la Vierge Marie, laquelle ils se resolurent de faire heritiere de tous leurs grands biens. Pour scauoir en quoy elle desiroit que ceste succession fust employee, ils se preparerent par des prieres continuelles, des aumosnes, & autres bonnes ceuures. La Roynne du Ciel escouta les prieres de Iean Patrice, & de sa femme, & la nuit deuant le 5. iour d'aoust, lors que les chaleurs sont excelliues à Rome, elle parla en songe à chacun d'eux à part, & leur dit que le lendemain matin ils allassent au mont Equilin, & qu'à l'endroit qu'ils trouueroient couuert de neiges, ils fissent bastir vne Eglise, où elle seroit honorée des fidelles, par ce moyen qu'elle se tiendroit bien contente d'estre leur heritiere. Le iour venu, le mary & la femme confererent entr'eux de la reuelation qu'ils auoient eue en dormant, de laquelle ils aduertirent le Pape Libere, auquel la Vierge l'auoit aussi reuelé. On assembla le peuple & le Clergé pour y aller en procession. Estans paruenus sur le mont, ils trouuerent vne espace de terre capable pour faire vne Eglise, toute couuerte de neige, on en fit le project, & ces deux deuots de la Vierge y employerent leur facultez, & la firent bastir superbement. Ce fut la premiere Eglise construite à Rome, sou le nom & patronage de N. Dame, on l'appella du commencement N. Dame des Neiges, à cause de ce miracle, & l'Eglise de Libere, parce qu'il estoit adueni de son temps: depuis on la nomma la Basilique de Sixte, à cause que Sixte troisieme, successeur de Celestin, la fit rebastir & parer de riches pourtraicts & d'images. On l'appella aussi sainte Marie de la creiche, à cause qu'on mit dans vne Chappelle de ladite Eglise la creiche où nostre Seigneur Iesus-Christ naissant fut posé sous le portail de Bethleem. Mais depuis qu'on eut basti à Rome plusieurs belles Eglises de nostre Dame, on nomma celle des Neiges, sainte Marie Majeur, pour la distinguer d'avec les autres, & monstrier son excellence par dessus toutes celles de la ville, qui tesmoigne assez en toutes choses sa grande pieté: mais en ce qui concerne la deuotion de la Vierge tres-sacrée, elle surpasse de beaucoup toutes les villes du monde. Certainement, c'est

vne chose admirable de voir la multitude des Eglises magnifiques qui sont à Rome, & que le Clergé avec la plupart des Religions qui y sont, se soient mis sous la protection, tutele de la tres-sainte Vierge, eux & leurs eglises particulieres. Car outre les Eglises Collegiales de Chanoines seculiers, à scauoir de sainte Marie de la Tybre, de la Rotonde, de sainte Marie en la grande rue, & de celle de sainte Marie de l'Estade, qui est aux Peres de la Compagnie de Iesus (qui est vne Religion de Prestres reguliers) sans conter plusieurs Eglises particulieres, qui ne sont pas renommées, les Chartreux ont dans Rome l'Eglise neue de sainte Marie des Anges, les Dominiquains, celle de nostre Dame de la Minerue, les Cordeliers, nostre Dame d'Araceli, les Augustins, nostre Dame du Populo, les Chanoines reguliers du mesme saint Augustin, nostre Dame de la Paix, les Carmes nostre Dame Transportine, ceux du mont Oliuet, nostre Dame de la Neue, les Seuites, sainte Marie du Chemin. De sorte que si on y prend garde de près, toutes les Religions sont sous la tutele de la Vierge, & la plupart ont des eglises à Rome fort bien basties sous son nom, esquelles elle est seruie & honorée, mais speciallement en celle des Neiges, dont on celebre auioird huy la feste, qui est à ceste occasion appelée sainte Marie Majeur, en laquelle nostre Seigneur operé de grandes merueilles, par les prieres de sa beniste mere. Ce fut en ceste Eglise que saint Gregoire le Grand fit venir la procession generale de tous les estats & conditions du peuple de Rome, lors qu'elle estoit affligée de ceste horrible & cruelle peste. Le Pape Estienne II. en fit fortir vne autre procession pour appaiser l'ire de Dieu: & Leon IV. du temps de l'Empereur Lothaire avec vne procession qu'il fit faire depuis l'Eglise saint Adrian martyr, iusques à sainte Marie Majeur, deliura la ville de Rome d'un cruel & venimeux serpent qui l'infestoit. Et S. Martin Pape y disant la messe, l'Exarque Olympe estant venu pour le prendre, ou tuer, par le commandement de l'Empereur son maistre qui estoit heretique, y demeura auueugle, & ne peut executer son entreprise; la tres-sacrée Vierge n'ayant voulu permettre qu'une si grande melanchanceté fust commise en son Eglise. Nostre Seigneur y a fait plusieurs autres miracles, & continué tous les iours, par l'intercession de sa tres-pure Mere qui y preside, laquelle ayant chios pour sa demeure & tabernacle, a plus obligé Iean Patrice & sa femme, que si elle leur eust obtenu de Dieu des enfans, lesquels seroient desia finis, & leur memoire n'eust pas duré comme elle fait iusques à present. Et nous enseignons par là que l'argent qu'on met à bastir, honorer & enrichir les Temples est bien employé, & que la Roynne des Cieux recompense liberalement les seruices que les fidelles luy font icy en terre. Soyons donc deuots à ceste Roynne des Anges, seruons-la de soyn & d'affection, ayons y recours en tous nos travaux & necessi-

tez, imitons hardiment ses vertus & exemples: car ceux qui le feront ainsi ne demeureront jamais confus.

A Rome sur le mont Esquilin, se fait la dedicace de l'Eglise sainte Marie aux Neiges, qu'on appelle sainte Marie Majeure. A Rome mesme endurerent 23 martyrs, lesquels durant la persecution de Diocletian, eurent les testes tranchees sur le gradier du Cocombre. A Aulbourg en Allemagne se fait la feste de sainte Aude laquelle estant Payenne & desbauchee, fut conuertie par la doctrine de S. Narcisse Euesque, baptisee avec toute sa famille puis bruslee pour la Confession de la Foy. A Acoli en la Marche d'Ancone S. Amadio Euesque & martyr, sacre par S. Marcel Pape, & enuoye la pour prescher l'Euangile y recut la couronne de martyr sous l'Empereur Diocletian. En Anioche S. Eulgenie soldat, age de 110. ans, reprochant à Julien l'apostat qu'il ne seruiroit plus la foy de Constantin le grad, sous lequel ce vieillard auoit porte les armes, eut la teste tranchee, par le commandement de cet impie. A mesme iour moururent les SS. martyrs Canadie, Canidian & Sobele Egyptiens. A Chalonis se fait la feste de S. Memme citoyen Romain, lequel auant est sacre Euesque de ladite ville par l'apostre S. Pierre, conuertit à la verite de l'Euangile ce peuple qui luy auoit esté ennemi, & mourut chargé d'age & renommé pour ses vertus & merites. A Aulim deceda S. Casian Euesque & Confesseur. En Angleterre S. Oswald Roy, les gestes duquel ont esté conuectes par le venerable Bede Prestre. A mesme iour trespassa S. Nonne, mercede S. Gregoire de Nazianze. Et en la Marche d'Ancone sainte Marguerite versue.

DE LA GLORIEUSE TRANSFIGURATION de nostre Seigneur.



Eglise Catholique le sixiesme iour d'Aoult celebre le mystere de la glorieuse Transfiguration de nostre Seigneur Iesus-Christ, qui est en verite vn grand témoignage du mystere de la tres-sainte Trinite, de celui de l'Incarnation, de la maistrise, ou doctorande du Fils de Dieu, & de la gloire en laquelle il viendra iuger les viuans & les morts, reformer la foiblesse des corps corruptibles, & les conformer au sien, qui est vn grand repos & soulagement à tous les enfans d'Adam, qui voguent avec tant de perils & trauaux parmy les vagues orageuses de ce monde, & aspirent au port tranquille de la felicite erernelle. Voycy l'occasion que print nostre Seigneur de se transfigurer. Aussi-tost que le bien-heureux S. Pierre Apostre illumine de la celeste clarté, cōfessa que nostre Sauueur I. C. estoit Fils de Dieu viuant, & qu'en recompense de ceste confessiō, nostre Seigneur promit de luy donner les clefs du Royaume des Cieux, il commença à aduertir de l'ors ses Disciples, que les Scribes & Princes des Prestres luy deuoient beaucoup faire endurer en hierusalem, iusqu'à le faire mourir: mais qu'il resusciteroit apres sa mort. Car ayant establi sa diuinite par la bouche de saint Pierre, & fait croire aux apostres qu'il estoit Dieu & Fils du vray Dieu, il voulut leur monstrer qu'il estoit tellement Dieu, qu'il estoit aussi homme, & qu'il auoit pris nostre chair afin de patir, & se

liurer volontairement à la mort pour la satisfaction de nos offenses, toutesfois, en telle maniere que la mort qui sembloit victorieuse, demeurast vaincū sous ses pieds. Et comme Pierre, à cause de l'amour qu'il luy portoit, ignorant le mistere de la Croix, le voulut destourner de ceste resolution: nostre Seigneur blasma ceste affection humaine & charnelle dont il estoit poullé, & de là print subiet de prescher labnegation & mortification de nous-mesmes, que chacun deuoit prendre sa croix, & le suiure, & perdre la vie pour luy, afin de la gaigner, la hayr, de peur de la perdre. Et adiousta que le Fils de l'homme deuoit venir en gloire & maiesté, pour donner à chacun le loyer de ses ceuures, & qu'aucuns de ses Disciples qui estoient là presens auparauant de mourir, le verroient en son regne. Pour confirmer donc ce que saint Pierre auoit confessé par la voix & tesmoignage du Pere Eternel, afin qu'ils ne fussent point scandalisez quand ils le verroient mourir, sachans qu'il estoit le Seigneur de la vie & de la mort, qu'il mouroit volontairement, & resusciteroit: de peur aussi que le chemin du ciel ne leur semblast trop rude & scabreux, pensans que toute la doctrine de nostre Seigneur Iesus-Christ ne consistoit qu'en mortification, abnegation, croix peines, & amertumes: & qu'ils ne perdissent courage es grandes difficultez qui leur suruendoient à la longue, nostre Seigneur voulut se transfigurer; & leur donner vn essay de sa gloire, vne monstre & figure de la recompense & felicite qui leur estoit promise. Pour cet effet, les Euangelistes disent qu'il print avec foy Pierre, Iacques & Ieā son frere (qui estoient ses plus familiers, avec lesquels il traitoit des choses secretes, & ceux qui le deuoient voir transsuer sang & eau dans le iardin) lesquels il mena sur vne haute montagne à l'escart, & se transfigura deuant eux. Nostre Seigneur se contenta de trois Disciples, il ne faut pas dauantage de tesmoins; car voulāt tenir secret ce mystere sacre, s'il en eust mené dauantage, il eust esté aussi-tost sceu & diuulgé. Le texte ne designe point à quelle montagne il les mena, neantmoins, c'est la commune opinion & rradition que ce fut sur le mont de Thabor, qui est aupres de la ville de Nazareth, & comme dit saint Hierosme, il est au milieu de la campagne de Galilee, rond & fort esleué. Le mesme saint Hierosme, Bede & saint Iean Damascene, afferment que la Transfiguration se fit sur le mont de Thabor, qui estoit renommé à cause de sa victoire que Barac & Debora y gaignerent sur Sisara Capitaine general de Iabin Roy de Chanaan, & beaucoup plus à raison que nostre Seigneur y prescha ce long & admirable Sermon de la montagne, qui est vn epilogue & sommaire de toute la doctrine & perfection Chrestienne. Et saint Pierre appella ceste montagne, Sainte, parce que nostre Seigneur auoit marché dessus, & que sa diuine Maiesté y auoit operé de si hauts & si excellens mysteres.

Nostre Seigneur & Redempteur Iesus-Christ